

2025 NAPLAN

Pojedinačni izvještaj o učeniku

Informacije za roditelje i staratelje



NAPLAN je nacionalna procjena pismenosti i računanja koju poduzimaju učenici 3., 5., 7. i 9. razreda. To je jedina nacionalna procjena koju poduzimaju sva australijska djeca. Vještine pismenosti i računanja su ključni temelj cjelokupnog učenja i sposobnosti efektivnog učešća u društvu. Putem NAPLAN pitanja ocjenjuje se sadržaj vezan za australijski nastavni plan iz engleskog jezika i matematike.

NAPLAN testovi su samo jedan aspekt procesa ocjenjivanja i izvještavanja svake škole. Pošto se održavaju samo jednom u 2 (dvije) godine za svakog učenika, oni ne mogu zamijeniti opsežne, stalne ocjene nastavnika o uspjehu učenika. Učitelj vašeg djeteta će imati najbolji uvid u obrazovni napredak vašeg djeteta. Zajedno sa ostalim izvještajima o školskim ocjenama, NAPLAN pojedinačni izvještaji o učeniku mogu se koristiti za razgovor s učiteljem o napretku vašeg djeteta.

Kako NAPLAN ocjenjuje učenike?

NAPLAN testovi se dostavljaju putem interneta školama širom Australije u martu svake godine. Online procjena postavlja pitanja prilagođena odgovorima individualnog učenika, pružajući preciznije rezultate i zanimljivo iskustvo testiranja za učenike.

Pitanja u NAPLAN-u se uglavnom zasnivaju na znanju i vještinama iz pismenosti i matematike koje su učenici stekli u prethodnim godinama školovanja. Nekoliko pitanja ocjenjuje dodatni sadržaj iz godine testiranja i sljedeće godine. Ova pitanja su osmišljena tako da se na njih može odgovoriti pomoću strategija koje su učenici naučili prethodnih godina. Ovo osigurava da učenici svih sposobnosti mogu pokazati svoje sposobnosti.

Detaljne informacije o znanju i vještinama koje se mjere u NAPLAN-u dostupne su na www.nap.edu.au.

Standardi znanja

Od 2023. godine NAPLAN testovi se ocjenjuju na osnovu standarda znanja koji pružaju jasne informacije o uspjehu učenika. Standardi znanja su postavljeni na izazovnom, ali razumnom nivou koji se očekuje od učenika u vrijeme NAPLAN testiranja, a temelje se uglavnom na gradivu koje se podučavalo u prethodnim godinama školovanja.

Standardi znanja uključuju 4 nivoa:

- **Izvanredan:** Rezultati učenika u vrijeme testiranja nadmašuju očekivanja.
- **Solidan:** Rezultati učenika u vrijeme testiranja ispunjavaju izazovna, ali razumna očekivanja.
- **U razvoju:** Rezultati učenika u vrijeme testiranja ukazuju na to da je na putu da dostigne očekivanja.
- **Potrebna dodatna pomoć:** Rezultati učenika u vrijeme testiranja ukazuju na to da ne postižu očekivane rezultate u učenju. Vjerovatno će im trebati dodatna podrška da bi uspješno napredovali.

Nije se promijenilo ono što NAPLAN procjenjuje. Stranica 4 (četiri) pojedinačnog izvještaja o učeniku pruža detaljniji rezime o tome šta učenici znaju i mogu da urade u okviru svakog nivoa znanja. Dodatne informacije su dostupne na www.nap.edu.au.

Kako su određeni nivoi znanja?

Komisije stručnih nastavnika identifikovali su nivoe znanja prema očekivanjima od učenja za svaku oblast ocjenjivanja i svaki razred. Obezbiđen je, takođe, input roditelja i staratelja izvještajima o učenicima putem fokusnih grupa i nacionalnih roditeljskih organizacija.

Čitanje NAPLAN izvještaja

Izvještaj NAPLAN-a prikazuje skalu znanja za svaku oblast provjere (računanje, čitanje, pisanje, pravopis i gramatika, te interpunkcija) s rezultatom učenika predstavljenim crnom tačkom na skali.

Izvještaj prikazuje uspjeh svakog učenika u odnosu na nacionalni prosjek za njihov razred (prikazano kao crni trokut) i raspon uspjeha srednjih 60% učenika iz istih razreda (prikazano kao svijetlo osjenčeni pravougaonik).

NAPLAN je vrijedan alat koji može dati koristan uvid u uspjeh učenika, ali pojedinačne izvještaje treba pažljivo tumačiti jer odražavaju uspjeh učenika na dan testiranja, a ne definitivno mjerilo njihovog cjelokupnog obrazovanja.

Šta ako izvještaj mog djeteta kaže da je test polagan na papiru?

Iako je NAPLAN online test, postoji mali broj okolnosti pod kojima učenici mogu završiti testove na papiru. Ovo uključuje kada:

- škole koriste priznati alternativni nastavni plan i program
- učenicima je potreban test na papiru iz razloga pristupačnosti
- problemi tokom testiranja zahtijevaju da se testovi na papiru koriste kao mjera za nepredviđene situacije.

Učenici 3. razreda uvijek polažu pismeni ispit na papiru.

Mogu li uporediti uspjeh svog djeteta s prethodnim NAPLAN izvještajem?

Rezultati iz 2023. godine nadalje ne mogu se direktno porediti sa rezultatima postignutim od 2008. do 2022. godine. To je zato što je s novim standardima uvedena nova mjerna skala koja je prikladnija za online testove, te zato što je testiranje prebačeno iz 2. (drugog) u 1. (prvo) tromjesečje.

Međutim, 2025. godine učenici 5., 7. i 9. razreda su prvi završili 2 ciklusa NAPLAN-a prema novom aranžmanu izvještavanja. To znači da roditelji i staratelji mogu koristiti pojedinačne izvještaje učenika, koje su dobili 2023. i 2025. godine, da uporede nivoe znanja svog djeteta.

Rezultati učenika u odnosu na nacionalni prosjek i na srednjih 60% učenika, mogu se, takođe, uporediti između 2023. i 2025. godine.

Kako učenici prolaze iz godine u godinu NAPLAN testiranja, to postaju teže vještine i shvatanje neophodno za dostizanje svakog nivoa znanja. Učenik koji postigne isti nivo znanja u uzastopnim razredima, kao što su 3. i 5. razred, možda još uvijek napreduje.

Kako NAPLAN pomaže mom djetetu?

NAPLAN omogućava roditeljima i starateljima da razmotre uspjeh njihovog djeteta u pismenosti i matematiki u odnosu na nacionalne standarde. Uspjeh vašeg djeteta može se uporediti sa nacionalnim prosjekom svih učenika istog razreda i u odnosu na nivoe znanja.

Rezultati mogu pomoći roditeljima, starateljima i učenicima da sa nastavnicima razgovaraju o individualnom napretku učenika.

Kakav će uticaj imati ovi rezultati na budućnost mog djeteta?

Rezultati NAPLAN-a pružaju važne informacije o vještinama pismenosti i računanja koje vaše dijete uči u okviru školskog programa. Ovi rezultati dopunjuju druga ocjenjivanja koja vaše dijete ima u školi, pružajući vama i nastavnicima vašeg djeteta razumijevanje uspjeha vašeg djeteta u vrijeme testiranja. Ove informacije se mogu koristiti kao podrška vašem djetetu da dostigne svoj puni potencijal.

Neke škole mogu u sklopu procesa upisa učenika pored školskih svjedočanstava, tražiti NAPLAN izvještaje. NAPLAN nije dizajniran da bude prijemni ispit za upis u školu. Ipak, njegovi rezultati mogu biti korisni za informisanje nove škole o akademskim potrebama učenika.

Kako NAPLAN pomaže školi mog djeteta?

NAPLAN je jedina nacionalna procjena koju poduzimaju svi australijski učenici. Pomaže:

- nastavnicima da bolje identifikuju učenike kojima su potrebni veći izazovi ili dodatna podrška
- školama da identifikuju ono što je dobro, a koje oblasti treba poboljšati u nastavnim programima
- školama da postave ciljeve u pismenosti i računanju
- školskim sistemima da izvrše reviziju programa i podrške koja se nudi školama.

NAPLAN također pruža nacionalno uporedive podatke koji pomažu vladama da procijene kako funkcionišu obrazovni programi i da li učenici zadovoljavaju važne standarde pismenosti i računanja.

Ko će još vidjeti rezultate?

Svake godine, nadležni organi za sprovođenje testiranja dostavljaju školama rezultate za sve učenike koji polažu NAPLAN. Školama se savjetuje da ove rezultate koriste kako bi potkrijepili planiranje poboljšanja u cijeloj školi.

Pojedinačni izvještaji o učenicima su povjerljivi. Niko osim vašeg lokalnog tijela za sprovođenje testiranja i osoblja u školi vašeg djeteta neće vidjeti izvještaj o vašem djetetu.

Prosječni školski rezultati se javno objavljuju na My School na stranici www.myschool.edu.au. Web stranica će biti ažurirana pri kraju godine sa rezultatima za svaki razred. Individualni rezultati vašeg djeteta nisu dostupni na My School.